

Aymara - Warminaca Kellkatanaca - Wives Scriptures

Efesios 5:22-24 Warminaca, chachanacamarojj ist'apjjam Tatiturjama. 23 Chachajj warmin p'ekepawa, cunjämatejj Cristojj iglesian p'ekepäqui uqhama. Cristojj iglesian khespiyiriparaquiwa; iglesiasti jupan cuerpoparaquiwa. 24 Ucampis cunjämatejj iglesiajj Cristoru ist'eija, uca pachparaquiwarminacajj take cunansa chachaparojj ist'añapa.

Efesios 5:31,33 “Ucatpī chachajj awquip taycap jaytanejja warmipampi mayachasiñataquejja, ucatsti paninitjja mä sapaquīpcaspas uqhamaw tucupjjani.” 33 Ucampis: sapa mayni jumanacajj warminacamaru munasipjjañamawa juma pachpas munascasma uqhama, warmisti chacharojj ist'añaparaquiwa.

1 Corintios 7:3,34 Chachasti warmipampejja chachjamajj take luräwinacapwa phokhañapa, warmisa warmjamaracajj chachapampejj take luräwinacapsa phokhañaparaqui. 34 Uqhamaraquiwarminacajj mä casada warmimpi mä soltera tawakompejja janiw quipcäquiti. Solterajj Tatitun yänacapatwa llaquisi, uqhamarac Diosar catuyatäñata, janchipansa almapansa. Mä casadasti acapach yänacatwa llaquisi chachapar sum sirviñatarauqui.

Colosenses 3:18 Warminaca, chachanacamaru ist'apjjam, uqham lurañanacamaracajj Diosanquirjamajj wact'apjjtam.

1 Timoteo 2:11-15 Warminacajj yatichäwinacajja amuc ist'apjjañapawa, take jaysañampi. 12 Nayasti sistwa, warminjja janiw waquisquiti yatichañapa ni chacharu apnakañapasa, jan ucasti amuquīscañapawa. 13 Diosajj nayrakatjja Adanaruw luräna, ucjarusti Evaruraqui, 14 Adanajj janiw sallkjatäcänti, jan ucasti warmiwa; sallkjayasisinsti jucharuw jalanti. 15 Ucampis warmejj wawanisina, uqhamarac lurañanacapa phokhasinwa khespiyasini, jupatejj iyawsañampi, munasiñampi, k'oma cancañampi suma amuyt'ampiraqui sarnakani ucajja.

Génesis 3:16 Warmirusti saraqūinwa: —Wawachasiña horasanti t'akhesiñampwa yapt'ämajja, wali t'akhesiñampiw wawachasiraquīta. Ucampisa munañamajja chachamataquīniwa, juparaquiwarminacajj jumarocajj apnakätam —sasa.

1 Pedro 3:1,2 Uqhamaraqui jumanacajj warminaca, chachanacamar ist'asa sarnakapjjam, uqhamata inas cawquīri chachas Tatitur jan iyawscchi ucayj jumanacan sarnakäwinacam toke Tatitutaqui jicjatatäñapataqui jan cuna arumpisa, 2 jan ucasti jumanacan suma sarnakatam uñjasaqui.

Tito 2:1-5 Cuntejj parlctas ucayj mayaquiñapaw k'oma yatichäwimpejja. 2 Chuyman jilirinacasti jan camscayäpjjpan, ajjsart'añani, suma amuyuni, suma iyawsañani, munasiñani, uqhamarac llamp'u chuymani. 3 Uqhamaraqui jiliri warminacajj suma sarnakeripjjpan. Janiraqui aru apnakeripjjpati ni machiripjjpasa. Mayninacataquisti mä sumar uñtatäpjjjañapawa. 4 Uqhamat tawak warminacarus chachanacapar munañ yatichañataqui, uqhamarac wawanacapar munaña. 5 Suma amuyunipjjjañapawa, k'oma chuymaninaca, uqhamarac utapsa sum apnakerinaca, suma chuymaninaca, chachanacapar ist'irinaca, jan qhitisa Diosan arupattjja jan wali parlañapataqui.

Proverbios 12:4 Asqui lurir warmejj chachaparojj jach'aruw apti, ucampis jan wali

warmeija chachaparojj jisc'achayiwa.

Proverbios 14:1 Yatiñan warmeij utapjja sumwa uñjasi, ucampis jan amuyt'an warmeija pachpa amparapampiwa utaparojj tucji.

Proverbios 19:13 Jan amuyt'an wawajj awquiparojj t'akhesiyiwa. T'iñi thakher warmisti jan sayt'as ch'akeri umjamawa.

Proverbios 21:9,19 Juc'amp asquiw mä c'uchuna jacañajja, suma jach'a utana ch'ajjwiri warmimp jacañat sipansa. 19 Juc'amp asquiwa wasarana jacañajja, coleriri ch'ajjwiri warmimp jacañat sipana.

Proverbios 25:24 Juc'amp asquiwa mä c'uchuna jacañajja, suma jach'a utana tokesir warmimpi jacañat sipana.

Proverbios 27:15,16 Cunjämamejj jallupachanijja jan sayt'asa umajj ch'akanejja, uqhamar uñtatawa cunatsa colerir warmeija. 16 Cunjämamejj thayajj jan catthapiñjamäquejja, janirac aceites amparar catjjäsiñjamäquejja, uqhamawa uca warmeij jan jarc'añjamäquiti.

Proverbios 31:10-31 “Suma warmeij janiw jicjjatañjamäquiti; jupajj suma c'ajquir kalanacat sipansa juc'amp valoranıtap laycu! 11 Chachapajj juparojj takpach chuymaw catuyasi; jupasti janipuniw cunapachas pist'añanacan sarnakquiti. 12 Jupasti chachaparojj yanapiwa suma asquinac lurasas, take jacäwipa urunacana. 13 Jupajj t'awra, lino ucanac thakeriw sari, ucatsti cusisiñampiwa amparamp lurañanacjja luri. 14 Jupajj mank'anac apanir barcor uñtatawa; mank'añanacjja wali jayata utapar apani. 15 Ucatsti wali alwata sartasisinaracwa wawanacaparojj mank'a churi, uqhamarac uywatanacaparusa. 16 Oraksti suma uñjasinwa alasi, ucatsti jicjjatatanacapampiwa uvas alinacjja ayirusi. 17 Jupajj ch'amañchasiwa, ucatsti take chuymampiwa irnakañatac waquichasi. 18 Jupajj aljasiñanacapjja sumaruwa sarayi, arumcamawa irnake, janiw ch'am jiw'tayasquiti. 19 Amparapampiwa t'awra kapu, sawuraqui. 20 Pobrenacarusa, uqhamarac pist'ayasiñan jicjjatasqui ucanacarusa qhuyapt'ayasipuniraquiwa. 21 Janiw familiapatija llaquiscaraquiti, cunapachatı qhununti ucqhajja, familiapan suma thuru isinacampi isthapita sarnakapjjatap laycu. 22 Jupa pachpawa iquiñanacjja sawusiraqui, ucatsti suma telat lurat isinacampiw isisiraqui. 23 Chachapasti marcanjja suma uñt'atawa, marcana wali aytata jiliri chachanac taypinquirıtap laycu. 24 Jupajj isinaca, wac'anaca lurasinijja, alirinacaruwa alji. 25 Jupajj ch'amañchasiwa, asquin sarnakañampi, ucatsti janiw ajjsarquiti jutir jan walt'añ urunacarojja. 26 Jupajj yatiñampiwa parli, ucatsti munasiñampiw yaticharaqui. 27 Ucatsti jupajj sumwa uñjasiraqui utapajj cunjamäsquisas ucjja, janipuniw ina ch'usata jicjjatata mank'jja mank'quiti. 28 Wawanacapasa, chachapasa juparojj jach'añchapjjewa, aqham sasa: 29 “Walja suma warminacaw utjapje, ucampis jumajj take uca warminacat sipansa juc'amp sumätawa” sasa. 30 C'ariquiwa suma uñnakani warmeija, jiwaquiñasa inamayaquiwa, ucampis Tatitur ajjsariri warmiwa jach'ar aptatajja. 31 ¡Take jakenac nayrakatana juparojj jach'añchapjjam! ¡Take luratanacaparu jach'añchapjjaraqum!

Pastor T. John Franklin
Church of Salvation, Healing, and Deliverance
COS-HAD.org